

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.10.2023թ. թիվ 2317236422 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<01>> 11 2023թ. 7-13- 11187

ք.Երևան

Ճանապարհային ոստիկանության պետի պարտականությունները կատարող, ոստիկանության գնդապետ Հ.Հակոբյանս, վերանայելով Կրաս Շեկոյանի ՄԴ/87650-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կենտրոն վարչական շրջանի Բուզանդի փողոցի 101 շենքի 10 բնակարանի բնակիչ Կրաս Շեկոյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 16.10.2023թ. թիվ 2317236422 որոշումը՝ նշելով, որ ի սկզբանե իր նախընտրած ուղղությունը եղել է փակ Պարեկային ծառայողների կողմից, այդ պատճառով երթևեկել է ուղիղ:

Դիմումի քննարկման արդյունքում պարզվել է, որ վարչական տույժ նշանակելու մասին 16.10.2023թ. թիվ 2317236422 որոշումը ենթակա է բեկանման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Վարչական իրավախախտումների վերաբերյալ ՀՀ օրենսգրքի 9-րդ հոդվածի 1-ին մասի համաձայն, վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, **մեղավոր (դիտավորյալ կամ անզգույշ)** այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Ճանապարհային ոստիկանության վարչական տույժ նշանակելու մասին 16.10.2023թ. թիվ 2317236422 որոշման հիմքում դրված տեսանյութի լրացուցիչ ուսումնասիրությունը հստակ ապացուցում է, որ 30.09.2023թ. ժամը 17:21-ին <<BMW>> մակնիշի 10KK770 հաշվառման համարանիշի տրանսպորտային միջոցի վարորդը Երևան քաղաքի Խորենացի – Բեյրութ – Իտալիա – Վ.Սարգսյան փողոցների խաչմերուկի հատվածում երթևեկությունը միայն դեպի ձախ թույլատրող երթևեկելի գոտուց երթևեկել է ուղիղ, սակայն դա կատարել է հարկադրված՝ իր կողմից ի սկզբանե նախընտրած ուղղությունը երթևեկության համար փակ լինելու պատճառով, ուստի որոշումը ենթակա է բեկանման, քանի որ տվյալ իրավիճակում դիմումատուի արարքում բացակայում է մեղքը և առկա չէ զանցակազմ:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> օրենքի 10-րդ հոդվածի 1-ին մասով, Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.10.2023թ. թիվ 2317236422 որոշումը բեկանել և վարչական իրավախախտման վերաբերյալ գործի վարույթը կարճել.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Կրաս Շենյոյանին:

  Հասկոբյան

Կատարող՝ Ա.Միրզոյան
Հեռ.060838402